



Na osnovu člana 70., a u vezi člana 32. Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/19 i 25/20), na preporuku Komisije za javnu nabavku od 07.02.2023. godine, datu u ponovnom postupku pregleda i ocjene ponuda po Rješenju Kancelarije za razmatranje žalbi Bosne i Hercegovine broj: JN2-01-07-1-3350-9/22 od 16.01.2023. godine, Centralna izborna komisija Bosne i Hercegovine je na 24. sjednici održanoj 28.02.2023. godine, d o n i j e l a

O D L U K U **o izboru najpovoljnijeg ponuđača**

(1) **Okvirni sporazum** za nabavku usluga opravke i servisiranja službenih motornih vozila Centralne izborne komisije Bosne i Hercegovine (u daljnjem tekstu: „Centralna izborna komisija BiH“) zaključuje se sa ponuđačem: **„Total Trade“ d.o.o. Doboј, Krnjinske srpske brigade 102, 74 000 Doboј, po ponuđenoј cijeni u iznosu od 289,55 KM bez PDV, odnosno 338,77 KM sa PDV.**

(2) Ponuda ponuđača iz stava (1) ove odluke zadovoljava uslove utvrđene u predmetnoj tenderskoј dokumentaciji i ocjenjena je najpovoljnijom za dodjelu okvirnog sporazuma, koji će biti dodjeljen u skladu sa elementima iz Ponude, obavještenja o nabavci, uslovima i kriterijima utvrđenim u tenderskoј dokumentaciji.

(3) Okvirni sporazum iz stava (1) ove odluke zaključuje se na iznos **od 25.600,00 KM bez PDV, odnosno 29.952,00 KM sa PDV, na period do 3 godine**, ili do utroška vrijednosti okvirnog sporazuma počev od dana njegovog potpisivanja.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva za dostavljanje ponuda. Obavještenje o nabavci objavljeno je na portalu Javnih nabavki broj: 794-7-2-186-3-29/22 od 31.08.2022. godine. Do krajnjeg roka za prijem ponuda primljeno je pet ponuda sljedećih ponuđača: „Saradis“ d.o.o. Vogošća, „Total Trade“ d.o.o. Doboј, „Autodelta“ d.o.o. Sarajevo, „Unitrade“ doo Ljubuški i „Autoservis///M“ d.o.o. Sarajevo. U prvostepenom postupku je donesena odluka o izboru najpovoljnijeg ponuđača „Autodelta“ doo Sarajevo broj: 07-2-16-3-1292-21/22 od 23.11.2022. godine. Na ovu odluku izjavljene su žalbe Kancelariji za razmatranje žalbi Bosne i Hercegovine (u daljem tekstu: „Kancelarija“) od strane ponuđača „Total Trade“ d.o.o. Doboј i „Unitrade“ d.o.o. Ljubuški. Žalba „Total Trade“ d.o.o. Doboј je odbačena Zaključkom Kancelarije broj: JN2-01-07-1-3349-7/22 od 21.12.2022. godine kao neuredna. Žalba „Unitrade“ d.o.o. Ljubuški je Rješenjem Kancelarije broj: JN2-01-07-1-3350-9/22 od 16.01.2023. godine usvojena i predmet vraćen ugovornom organu na ponovni postupak.

U ponovnom postupku Komisija za javnu nabavku (u daljem tekstu: Komisija) je izvršila ponovni pregled i ocjenu pristiglih ponuda i utvrdila da ponuda ponuđača „Autoservis///M“ d.o.o. Sarajevo je neprihvatljiva, jer sadrži četiri različita obrasca za cijene ponude.

Nadalje, u postupku pregleda i ocjene ponuda Komisija je odbacila i ponudu ponuđača „Saradis“ d.o.o. Vogošća, jer se u ostavljenom roku za produženje roka važenja ponuda na rok do devedeset (90) dana, nije izjasnio na Zahtjev ugovornog organa za produženje roka važenja ponuda broj: 07-2-16-3-1292-31/22 od 16.01.2023. godine da je saglasan sa predloženim rokom produženja ponude.

Zatim, Komisija je u ponovnom postupku cijenila navedene razloge u obrazloženju ponuđača „Autodelta“ d.o.o. Sarajevo date o neprirodno niskoj cijeni ponude i upute date u Rješenju

Kancelarije u pogledu ocjene obrazloženja, te obrazloženje niske cijene ponuđača „Autodelta“ d.o.o. Sarajevo ocijenila neprihvatljivim u smislu odredaba člana 66. Zakona o javnim nabavkama Bosne i Hercegovine i Uputstva za pripremu modela tenderske dokumentacije („Službeni glasnik“ 90/14 i 20/15) iz sljedećih razloga:

- što ponuđač nije ponudenu cijenu koju je dao u ponudi zasnovao na stvarnim činjenicama, a prije svega na cijeni jednog radnog sata pružaoca usluge,
- što je ponuđač propustio dokazati cijenu radnog sata sa aspekta elemenata ponuđene cijene, kako je to propisano članom 66. stav (2) Zakona, te izvršiti poređenje cijena sa cijenama na tržištu u skladu sa članom 66. stav (1) Zakona i dostaviti dokaze da su usluge radnog sata izvedene iz kalkulacije poslovanja,
- što ponuđač nije dao pojašnjenje datih jediničnih cijena za ponuđene usluge kako je traženo u zahtjevu ugovornog organa za pojašnjenje,
- što ponuđač obrazlaže da ponuđenu cijenu od 0,01 KM zasniva na cijenama i popustima rezervnih dijelova, koji nisu predmet nabavke, što jeneosnovano i
- što ponuđača obrazlaže da posjedovanje vlastitog servisa je jedan od razloga niske ponuđene cijene, što je subjektivano i neosnovano.

Iz obrazloženih razloga Komisija nije prihvatila obrazloženje niske ponuđene cijene osnovanim, pa je ponudu ovog ponuđača odbacila u daljem postupku ocijenjivanja.

U konkretnom postupku je predviđeno provođenje e-aukcije, u skladu sa Pravilnikom o uslovima i načinu korištenja e-aukcije („Službeni glasnik BiH, broj 66/16“), pa su preostale dvije ponude ponuđača „Total Trade“ d.o.o. Doboј i „Unitrade“ doo Ljubuški, koje je Komisija ocijenila kvalifikovanim, se nadmetale u postupku e-aukcije.

Nakon okončanog postupka nadmetanja Komisija je izvršila ocjenu ponuda i uputila preporuku Centralnoj izbornoj komisiji BiH za izbor najpovoljnijeg ponuđača i zaključenje okvirnog sporazuma za nabavku usluga opravke i servisiranja službenih motornih vozila Centralne izborne komisije Bosne i Hercegovine sa ponuđačem „**Total Trade“ d.o.o. Doboј, Krnjinske srpske brigade 102, 74000 Doboј po ponuđenoj cijeni u iznosu od 289,55 KM bez PDV, odnosno 338,77 KM sa PDV**, koja je snižena za 64,91% u postupku e-aukcije u odnosu na početnu ponuđenu cijenu. **Ukupna vrijednost na koju se zaključuje okvirni sporazuma iznosi 25.600,00 KM bez PDV, odnosno 29.952,00 KM sa PDV na period do 3 godine**, ili do utroška vrijednosti okvirnog sporazuma počev od dana njegovog potpisivanja.

Sastavni dio odluke je Zapisnik o pregledu i ocjeni ponuda u ponovnom postupku broj: 07-2-16-3-1292-38/22 od 07.02.2023. godine je u prilogu ove odluke.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-1292-40/22
Sarajevo, 28.02.2023. godine

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK BiH
4. a/a

